



Na osnovu člana 50. Poslovnika Predstavničkog doma Parlamentarne skupštine Bosne i Hercegovine i člana 44. Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 33/06, 41/06, 81/06, 91/06 i 91/07), **Zajednička komisija za ekonomske reforme i razvoj Parlamentarne skupštine Bosne i Hercegovine**, na 5. sjednici održanoj 12. 1. 2012. godine, usvojila je

## IZVJEŠTAJ O RADU ZAJEDNIČKE KOMISIJE ZA EKONOMSKE REFORME I RAZVOJ ZA 2011. GODINU

### Uvodne napomene

Zajednička komisija za ekonomske reforme i razvoj (u daljnjem tekstu: Komisija) Parlamentarne skupštine Bosne i Hercegovine je stalno radno tijelo. Njena nadležnost regulirana je odredbama člana 56. Poslovnika Predstavničkog doma i člana 50. Poslovnika Doma naroda ("Službeni glasnik BiH", br. 33/06, 41/06, 81/06, 91/06 i 91/07).

Na 2. sjednici Predstavničkog doma Parlamentarne skupštine Bosne i Hercegovine, održanoj 09. 6. 2011., izabrani su članovi Komisije iz Predstavničkog doma: Danijela Martinović, Petar Kunić, Boško Tomić, Zijad Jagodić, Dragan Čović i Azra Hadžiahmetović

Na 2. sjednici Doma naroda Parlamentarne skupštine Bosne i Hercegovine, održanoj 29. 6. 2011., izabrani su članovi Komisije iz Doma naroda: Halid Genjac, Hasan Bećirović, Dragan Čović, Krunoslav Vrdoljak, Mladen Ivanić i Krstan Simić.

Na Konstituirajućoj sjednici Komisije, održanoj 7. 7. 2011., izabrarano je rukovodstvo Komisije, i to: Danijela Martinović, predsjedavajuća, Krstan Simić, prvi zamjenik i Hasan Bećirović, drugi zamjenik.

Na 5. sjednici Predstavničkog doma Parlamentarne skupštine Bosne i Hercegovine, održanoj 14. 7. 2011., dužnosti člana Komisije iz Predstavničkog doma razrješen je Petar Kunić, a za člana Komisije je imenovan Nikola Špirić.

Kolegij Predstavničkog doma, na 44. sjednici, održanoj 12. 2. 2008. godine i Kolegij Doma naroda, na 10. sjednici, održanoj 18. 2. 2008. godine, donio je Rješenje o imenovanju kojim se Amer Bekrić imenuje na radno mjesto sekretara Komisije. Imenovani je stupio na dužnost 3. 3. 2008. godine.

Sistematizacijom radnih mjesta u Sekretarijatu Parlamentarne skupštine BiH, u Kancelariji Komisije sistematizirana su radna mjesta stručnog savjetnika i stručnog saradnika, koja nisu popunjena.

Komisija je od konstituiranja radila na provođenju obaveza utvrđenih poslovnica, kao i obaveza koje su joj određene odlukama kolegija domova.

## **Opći podaci o sjednicama Komisije i prisustvo sjednicama**

Općim odredbama o komisijama domova, kao i općim odredbama o zajedničkim komisijama oba doma utvrđenim poslovnica, regulirano je: osnivanje zajedničkih komisija; broj i struktura članova komisije; dužnosti; organizacija rada; sazivanje sjednica; donošenje odluka komisije; saradnja s drugim komisijama i tijelima; metode rada; osnivanje potkomisija ili radnih grupa.

U periodu od 1. 1. do 31. 12. 2011. Komisija je održala četiri sjednice, a održane su u sljedećim terminima:

1. Konstituirajuća sjednica – 7. 7. 2011. godine
2. 2. sjednica – 25. 7. 2011. godine
3. 3. sjednica – 13. 9. 2011. godine
4. 4. sjednica – 29. 9. 2011. godine

Prisustvo članova sjednicama Komisije, izraženo u procentima bilo je 68,18%, uz konstataciju da Predstavnički dom nije imenovao člana Komisije umjesto Dragana Čovića, dok Nikola Špirić, član Komisije, obavlja dužnost Predsjedavajućeg Vijeća ministara Bosne i Hercegovine, te u izvještajnom periodu nije učestvovao u radu. Obzirom na navedeno, može se konstatirati da Komisija faktički broji 10 članova, a sa tog aspekta posmatrano, prisustvo članova sjednicama Komisije, izraženo u procentima bilo je 75,00%.

Sjednice Komisije su trajale u prosjeku po 55 minuta.

Aktivnosti na sjednicama praćene su zapisnički. Zapisnike sjednica vodi sekretar Komisije prema usvojenim tačkama dnevnog reda po utvrđenoj poslovničkoj proceduri i metodologiji. U saradnji s predsjedavajućim i članovima Komisije, konačan tekst zapisnika definira se i dostavlja na lektoriranje na jezike u službenoj upotrebi u BiH.

## **Interna organizacija i procedure**

Prema planovima aktivnosti domova iz nadležnosti Komisije, koje određuju kolegiji Predstavničkog doma i Doma naroda, predsjedavajući Komisije, u saradnji sa sekretarom, organizira i zakazuje sjednicu s prijedlogom dnevnog reda.

Planovi aktivnosti Komisije i njenih članova utvrđuju se prema Orijentacionim radnim planovima domova i Orijentacionom radnom planu Komisije.

Kvorum za rad Komisije čini sedam njenih članova, od čega je najmanje polovina članova iz svakog doma.

Komisija odlučuje prostom većinom članova koji su prisutni i koji glasaju, uz uslov da ta većina sadrži najmanje jednu trećinu članova svakog doma koji su prisutni i glasaju i jednog predstavnika iz konstitutivnih naroda, čiji je najmanje jedan predstavnik prisutan i glasa.

Rezultati glasanja, prijedlozi i zaključci koje Komisija usvoji, zapisnički se konstatiraju za svaku tačku dnevnog reda.

Izvještaje koje Komisija podnosi domovima priprema sekretar Komisije u saradnji s predsjedavajućim, a prema potrebi i ostalim članovima Komisije kada to nalažu određeni razlozi.

## **Zakonodavna aktivnost**

Komisija je u periodu januar – decembar 2011. godine razmatrala jedan prijedloga zakona, u drugoj fazi osnovnog zakonodavnog postupka, i to Prijedlog zakona o popisu stanovništva, domaćinstava i stanova u Bosni i Hercegovini 2011. godine - predlagač: Predstavnički dom PS BiH.

## **Informativne aktivnosti**

U izvještajnom periodu Komisija je razmatrala i druge akte koji nisu zakonodavnog karaktera, i to:

1. Izvještaj o radu Vijeća ministara BiH za 2010. godinu radi dostavljanja Mišljenja Domovima Parlamentarne skupštine Bosne i Hercegovine o aktivnostima iz djelokruga:

- a) Instituta za akreditiranje BiH,
- b) Instituta za intelektualno vlasništvo BiH,
- c) Instituta za standardizaciju BiH,
- d) Konkurencijskog vijeća BiH,
- e) Agencije za sigurnost hrane BiH,
- f) Agencije za statistiku,
- g) Agencije za osiguranje u BiH,
- h) Agencije za rad i zapošljavanje BiH,
- i) Agencije za unapređenje stranih investicija u BiH (FIPA) i
- j) Direkcije za ekonomsko planiranje,

2. Izvještaj o radu Zajedničke komisije za ekonomske reforme i razvoj za 2010. godinu,

3. Orjentacioni radni plan Zajedničke komisije za ekonomske reforme i razvoj za 2011. godinu.

## **Ostale aktivnosti Komisije**

U izvještajnom periodu većina aktivnosti Komisije bile su usmjerene na pokušaj da se održi Prijedlog zakona o popisu stanovništva, domaćinstava i stanova u Bosni i Hercegovini 2011. godine.

Značajan dio aktivnosti Komisije odnosio se na održanje i planiranje aktivne saradnje sa Fondacijom Konrad Adenauer Stiftung i USAID – Projektom jačanja Parlamenta.

Također, Komisija je u svom radu usvajala zaključke, koje je dostavljala u daljnju proceduru kolegijima domova.

## **Saradnja sa drugim institucijama i organizacijama**

U izvještajnom periodu Komisija je imala kontinuiranu saradnju sa institucijama Vijeća ministara BiH – Direkcijom za ekonomsko planiranje BiH, Agencijom za statistiku, te Direkcijom za europske integracije

Pored pobrojanih institucija, prilikom razmatranja Izvještaja o radu Vijeća ministara BiH za 2010. godinu, sjednici Komisije su prisustvovali i predstavnici Instituta za akreditiranje BiH, Instituta za intelektualno vlasništvo BiH, Instituta za standardizaciju BiH, Konkurencijskog vijeća BiH, Agencije za sigurnost hrane BiH, Agencije za osiguranje u BiH, Agencije za rad i zapošljavanje BiH, Agencije za unapređenje stranih investicija u BiH (FIPA).

## **Međunarodne aktivnosti**

Komisija održava naročito intenzivnu saradnju sa predstavnicima međunarodne zajednice u BiH, prije svega USAID-om – Projekt jačanja Parlamenta, kao i sa Fondacijom Konrad Adenauer Stiftung, sa kojima je organizirala tri radionice, i to:

- a) „Ekonomska i pravna pitanja u kontekstu EU-integracija Bosne i Hercegovine“,
- b) „Iskustvima Njemačke u osnivanju klastera - prepreke investiranju u BiH“,
- c) „Značaj poslovne etike i religijskih vrijednosti za prevazilaženje krize“.

Radionicama su prisustvovali poslanici i delegati PS BiH, članovi entitetskih parlamenata i akademske i poslovne zajednice BiH, a iste su od strane svih učesnika ocijenjene kao izuzetno dobre. Naglašena je potreba za nastavkom ovakve prakse, što je rezultiralo konkretnim dogovorom o pružanju pomoći USAID Projekta i Fondacije Konrad Adenauer Stiftung Komisiji, prilikom organiziranja radionica u 2012. godini.

## **Rezultati rada članova Komisije**

Na osnovu navedenih aktivnosti, može se zaključiti da je Komisija realizirala postavljene zadatke.

## **Opća procjena i sugestije**

Imajući u vidu opis poslova i utvrđene poslovničke procedure, te vrijeme konstituiranja Komisije, može se konstatirati da u izvještajnom periodu nije bilo povećanja aktivnosti Komisije.

Iz već definiranih i planiranih aktivnosti za naredni period, jasno je da će se dodatno povećati obim poslova Komisije, a za još uspješniji rad potrebno je u što skorije vrijeme popuniti minimalno jedno upražnjeno radno mjesto.

Predsjedavajuća Zajedničke komisije

dr. Danijela Martinović